



## Publicaziuns dalla vischnaunca, jamna 6

### Cussegl da vischnaunca Elecziun complementara

Ord motivs persunals ha cusseglier Marco Schmed inoltrau sia demissiun per immediat. Cunquei ch'igl ei buca stau pusseivel da remplazzar Marco Schmed entras candidats buca eligi a caschun dallas davosas elecziuns, vegn instradau in'elecziun complementara pil rest dalla perioda d'uffeci 2013–2016.

Vischinadis, partidas politicas localas ni gruppas da silmeins 15 votants san proponer a scret candidatas e candidats. Nus supplichein d'inoltrar las propostas entochen ils **31 da mars 2015** all'administraziun communal.

*Suprastonza communal*

---

### Entradas dallas casadas Lavurs da mesiraziun

En connex cun la registraziun dallas datas dalla mesiraziun funsila ei il geometer vegnius incaricau d'eruir las coordinatas exactas dallas entradas dallas casadas sigl entir territori dalla vischnaunca da Mustér. Quellas lavurs succedan en collaboraziun cugl uffeci da baghegiar. El decuors dallas proximas jamnas vegnan ils collaboraturs dil menaschi tecnic a mesirar las entradas (eschscasa) dallas casas sin fundament da puncts da referenza existents (cantun dalla casa). Las lavurs ein cumbinadas cun negins disturbis.

Bien engraziament per Vossa capientscha.

Disentis/Mustér, ils 26 da schaner 2015  
*Uffeci da baghegiar Disentis/Mustér*

---

### Controlla da habitonts

#### Mortori

Robert Deflorin, naschius ils 28 da schaner 1937, morts igl 1. da fevrer 2015.

---

### Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntionscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressesin nus a Vus cun ina ferventa supplica: *clamei ils pumpiers mo sur il clom d'urgenza 118*. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala*



### **Lotto Chor baselgia Segnas – Preavis**

**Sonda, ils 2 da matg 2015** organischescha il Chor baselgia Segnas in lotto el Center da sport e cultura a Disentis/Mustér. Nus supplichein uniuns ed organisaziuns da risguardar quei termin e selegrein gia oz da Vossa viseta.

*CO Lotto Chor baselgia Segnas*

---

### **Uniun da dunnas Mustér**

#### **Mummas cun affons pigns – Seruschnar–Paterlar–Termagliar**

Tut ils affons da 0 entochen 3 onns cun lur mummas ni babs e fargliuns ein cordialmein beinvegni, gliendisdis, ils 9 da fevrer 2015 dallas 9.00–11.00 per passentar in bi avonmiezdi da cumpignia el local Artgin. Per damondas ni sclariment statt Nathalie Lutz, tel. 081 947 61 94 bugen a disposiziun.

*Mummas cun affons pigns Mustér*

---

### **Uniun samaritana Mustér**

Nies εμπrem exercezi meinsil digl onn niev ha liug, **gliendisdis, ils 9 da fevrer 2015** allas 19.30 en casa da scola, Cons.

Selegrond sin ina stedia participaziun envida  
*la presidenta*

---

### **Perscrutaziun medicinala el Himalaya**

#### **Himlung Himal «below zero»**

**Gievgia, ils 19 da fevrer 2015**, ha liug a Mustér el Center sursilvan d'agricultura a Salaplauna in discuors cun Matthias Gutmann. Il discuors en tudestg davart la perscrutaziun medicinala el Himalaya entscheiva allas 19.30 e vegn moderaus dad Andreas Cadonau.

---

### **Medizinische Forschung im Himalaya**

#### **Himlung Himal «below zero»**

**Am Donnerstag, 19. Februar 2015**, findet ein Gespräch mit Matthias Gutmann in Disentis im Center sursilvan d'agricultura in Salaplauna statt. Ab 19.30 Uhr moderiert Andreas Cadonau das Gespräch in Deutsch über die Medizinische Forschung im Himalaya.

---

### **Frauenturnverein Disentis**

**Unser Turnverein hat ein neues Angebot: «Line-Dance» 1 x im Monat.** Wann: **Donnerstag, 19. Februar 2015**, um 20.00 Uhr Center da sport e cultura Disentis. Weitere Daten: Do, 26. März, und Do, 7. Mai Wir laden alle tanzbegeisterten Frauen ein, bei uns hereinzuschauen.

Vostand: Uniun da gimnastica da dunnas Mustér, Tel. 079 672 50 46.



**Uniun da gymnastica da dunnas Mustér**

**Nossa uniun ha ina nova purschida: «Line-Dance» 1 x per meins. Cu: gievgia, ils 19 da fevrer 2015, allas 20.00 el Center da sport e cultura Mustér. Ulteriuras datas: gievgia, ils 26 da mars e 7 da matg Nus envidein en tuttas femnas interessadas pil sault, mirein en la halla da gymnastica!**

El num dalla suprastanza, tel. 079 672 50 46